



RESOLUCIÓN DA XEFATURA TERRITORIAL DA CONSELLERÍA DO MAR EN VIGO, POLA QUE SE ABRE O PRAZO DE PRESENTACIÓN DE SOLICITUDES PARA A ELABORACIÓN DE LISTAS PARA O INCREMENTO DO NÚMERO DE COTAS DE CAPTURA ENTRE AS EMBARCACIÓNS INCLUÍDAS NO PLAN DE XESTIÓN DO RECURSO ESPECÍFICO DE SOLÉNIDOS DA CONFRARÍA DE PESCADORES DA ILLA DE AROUSA APROBADO PARA O TRIENIO 2022-2024

ANTECEDENTES

Primeiro. O Plan de explotación de solénidos, na modalidade de embarcación con técnicas de mergullo en apnea e con subministro de aire dende superficie aprobado para o trienio 2022- 2024, segundo a Orde do 22 de decembro de 2021, establece un número máximo de 18 embarcacións e 40 mergulladores.

Segundo. Unha vez finalizado o procedemento de renovación das embarcacións con permiso de explotación para solénidos, compróbase que o número actual de participantes no plan aprobado na confraría da Illa de Arousa é de 16 embarcacións e 32 mergulladores.

Terceiro. A Confraría de pescadores da Illa de Arousa, nas datas 18 e 25 de febreiro de 2022 solicita a apertura do prazo de presentación de solicitudes para a elaboración das listas de solénidos para o incremento de catro (4) cotas de captura para repartir entre as embarcacións integrantes do plan de xestión.

CONSIDERACIÓNS LEGAIS E TÉCNICAS

1. A Orde do 30 de decembro de 2015 pola que se regula a explotación dos recursos específicos no ámbito da Comunidade Autónoma de Galicia determina nos seus artigos 39-46, o procedemento para o incremento do número de cotas de captura para as embarcacións incluídas nun plan de xestión.

2. Todas as solicitudes que cumpran os requisitos sinalados nesta resolución serán valoradas de acordo co baremo aprobado pola Resolución do 4 de maio de 2016, da Dirección Xeral de Desenvolvemento Pesqueiro pola que se aproba o baremo para acceder ás modalidades de recursos específicos no permiso de explotación das embarcacións, así como para elaborar as listas e actualizar os méritos para o incremento do número de cotas de captura para as embarcacións incluídas nun plan de xestión de recursos específicos.

3. Esta xefatura territorial é o órgano competente para a elaboración e o control das listas, así como para a súa actualización e para comunicar o seu emprego de conformidade co establecido na sección 4ª do capítulo III e o artigo 52 da Orde do 30 de decembro de 2015, pola que se regula a explotación dos recursos específicos no ámbito da Comunidade Autónoma de Galicia.





XUNTA DE GALICIA

CONSELLERÍA DO MAR
Xefatura Territorial de Vigo

galicia

De acordo con todo o anterior,

RESOLVO:

Abrir o prazo de presentación de solicitudes para a elaboración da lista para cubrir **catro (4) cotas de captura entre as embarcacións incluídas no plan de xestión de solénidos dende embarcación da Confraría de pescadores de Illa de Arousa**, con suxeición ás bases da convocatoria recollidas no anexo A.

Contra esta resolución, que non pon fin á vía administrativa, poderá interpoñer recurso de alzada ante a conselleira do Mar no prazo de un (1) mes, que se contará a partir do día seguinte ao da notificación desta resolución, de acordo co establecido nos artigos 121 e 122 e seguintes da Lei 39/2015, do 1 de outubro, do Procedemento Administrativo Común das Administracións Públicas (BOE núm. 236, do 2 de outubro de 2015).

A xefa territorial
Sonia Lorenzo Santos





XUNTA DE GALICIA

CONSELLERÍA DO MAR
Xefatura Territorial de Vigo

galicia

ANEXO A

Bases da convocatoria

1. Normas xerais.

1.1. O obxecto é a elaboración da lista para o incremento do número de cotas de captura entre as embarcacións incluídas no plan de xestión de solénidos dende embarcación da Confraría da Illa de Arousa de conformidade co establecido no plan de xestión aprobado para o trienio 2022-2024

1.2. Requisitos das embarcacións.

Para poder inscribirse na lista para o incremento do número de cotas de captura, as embarcacións deberán estar incluídas no plan de xestión de solénidos dende embarcación da Confraría da Illa de Arousa aprobado para o trienio 2022-2024.

1.3. Solicitudes, documentación, prazo e lugar de presentación.

As solicitudes dirixiranse á xefatura territorial en Vigo no prazo de quince (15) días hábiles, contados desde o día seguinte ao da publicación da resolución da convocatoria do proceso selectivo no taboleiro de anuncios das xefaturas territoriais e na páxina web: <http://www.mar.xunta.gal>.

Esta convocatoria tamén estará exposta, con carácter informativo, no taboleiro de anuncios das xefaturas comarcais de Pontevedra e Vilagarcía e da Confraría de Pescadores da Illa de Arousa.

A Lei 4/2019 do 17 de xullo, de administración dixital de Galicia (DOG núm. 141, do 26 de xullo de 2019) no seu artigo 10º 1.a) establece que os traballadores autónomos e as traballadoras autónomas para os trámites e as actuacións que realicen no exercicio da súa actividade profesional, no ámbito do sector público autonómico estarán obrigados a relacionarse a través dos medios electrónicos para a realización de calquera trámite dun procedemento administrativo, ademais dos indicados no artigo 14.2 da Lei 39/2015, do 1 de outubro, do procedemento administrativo común das administracións públicas.

Polo tanto as solicitudes e a documentación acreditativa, deberán presentarse unicamente por vía electrónica a través do formulario normalizado dispoñible na sede electrónica da Xunta de Galicia (<https://sede.xunta.es>) mediante o procedemento PE401M.

A falsidade dos datos esenciais para a selección das persoas aspirantes dará lugar á súa exclusión automática do proceso selectivo.

A solicitude, asinada polo/s titular/es do permiso de explotación, deberá vir acompañada da seguinte documentación:

a) Para acreditar a personalidade para presentar a solicitude:





a.1) No caso dunha persoa física, DNI ou NIE da persoa solicitante, no caso de non autorizar á Consellería do Mar para a obtención desta información.

a.2) No caso de cotitularidade, copia do DNI ou NIE do resto das persoas físicas titulares do permiso de explotación da embarcación, agás no suposto de autorización expresa á Consellería do Mar para obter esta información. A autorización expresa para a consulta destes datos realizarase empregando o anexo IX da *Orde do 30 de decembro de 2015*.

a.3) No caso dunha persoa xurídica, NIF da entidade e DNI ou NIE da persoa representante no caso de non autorizar á Consellería do Mar para obter esta información. No caso dunha persoa xurídica, a persoa representante deberá acreditar a representación con que actúa.

No caso de ser titular do Permiso de explotación por cesión, deberán tamén dar a súa conformidade a/s persoa/s propietaria/s da embarcación e acreditar a personalidade seguindo os puntos anteriores.

b) Documentación acreditativa de cada un dos aspectos que se van valorar de acordo co baremo aprobado pola Resolución do 4 de maio de 2016, da Dirección Xeral de Desenvolvemento Pesqueiro.

Para os efectos de computar os méritos establecidos só se valorarán os obtidos ata a data de publicación da resolución da apertura do prazo de presentación de solicitudes para a elaboración das listas.

b.1) Embarcacións que só teñan unha cota de captura no plan de xestión:

A información relativa a esta epígrafe será a que conste en poder da Consellería do Mar.

b.2.) Experiencia profesional no sector da persoa armadora da embarcación

- I. A información relativa a este epígrafe será a que conste en poder da Consellería do Mar.
- II. No caso de que a persoa armadora, estivese enrolado/a como navalla e longueirón vello en embarcacións que contan coa modalidade do recurso específico de navalla e longueirón vello dende embarcación nos 2 anos anteriores a convocatoria: Rol de despachos da embarcación e da libreta de embarque.

b.3) Habitualidade da actividade pesqueira da embarcación.

- A información relativa ás vendas realizadas e rexistros de actividade pesqueira será a que conste en poder da Consellería do Mar.
- Rol de despachos e tripulación durante o ano natural inmediatamente anterior á data de publicación da convocatoria (2020) ou certificación da capitanía marítima cos despachos da embarcación nos que a persoa solicitante figure enrolada.

c) Folla de asento da embarcación actualizada á data da convocatoria.





1.4. Emenda da solicitude.

Logo de rematar o prazo de presentación de instancias, de acordo co disposto no artigo 68 da Lei 39/2015, do 2 de outubro de Procedemento administrativo das administracións públicas, se a solicitude non reúne os requisitos formais, requiriráselle ás persoas interesadas, para que nun prazo de dez (10) días hábiles, a emenden, con indicación de que, se así non o fixesen, se lles terán por desistidas das súas peticións, logo dunha resolución expresa.

A notificación, por tratarse dun acto integrante dun procedemento de concorrencia competitiva e de conformidade co establecido no artigo 45 da Lei 39/2015, do 2 de outubro realizarase mediante publicación no taboleiro de anuncios da xefatura territorial e na páxina web <http://www.mar.xunta.gal> e producirá os mesmos efectos que a notificación individualizada.

Esta publicación tamén estará exposta, con carácter informativo, no taboleiro de anuncios das xefaturas comarcais de Pontevedra e Vilagarcía e da Confraría de Pescadores da illa de Arousa.

2. Proceso selectivo. Publicidade das listas

2.1 A xefatura territorial baremará as solicitudes e fará pública a lista coa puntuación provisional no seu taboleiro de anuncios e na páxina web <http://www.mar.xunta.gal>. A lista tamén se exporá, con carácter informativo, no taboleiro de anuncios das xefaturas comarcais de Pontevedra e Vilagarcía e da Confraría de Pescadores da Illa de Arousa

O feito de figurar na lista coa puntuación provisional de persoas e embarcacións admitidas non prexulga que se lle recoñeza á persoa interesada ou embarcación a posesión dos requisitos esixidos no procedemento regulado nesta sección.

Contra a relación provisional de puntuacións acadadas por cada unha das embarcacións admitidas poderase presentar alegacións no prazo de 15 días a contar dende o día seguinte ao da publicación desta resolución ante a xefatura territorial de Vigo da Consellería do Mar. As alegacións non se contestarán expresamente de xeito individualizado, aínda que, de selo caso, si se terán en conta para a puntuación definitiva.

As embarcacións e persoas excluídas poderán presentar contra esta resolución, que non pon fin á vía administrativa, un recurso de alzada ante a Conselleira do Mar no prazo dun (1) mes contado a partir do día seguinte ao da publicación desta resolución, de acordo co establecido nos artigos 30, 121 e 122 da Lei 39/2015 de 1 de outubro, do Procedemento Administrativo Común das Administracións Públicas.

2.2. Unha vez finalizado o prazo de presentación de alegacións, e analizadas estas, no caso de empate na puntuación obtida e previo á publicación da resolución coa lista definitiva das embarcacións seleccionadas e non seleccionadas, este resolverase por sorteo en presenza das persoas afectadas pola dita situación, de acordo co apartado A.8 do anexo I da Resolución do 4 de maio de 2016, da Dirección Xeral de Desenvolvemento Pesqueiro, pola que se aproba o baremo para acceder ás modalidades de recursos específicos no permiso de explotación das embarcacións, así como para elaborar as listas e actualizar os méritos para o incremento do número de cotas de captura para embarcacións incluídas nun plan de xestión de recursos específicos.





A xefatura territorial ditará resolución coa lista definitiva para o incremento de número de cotas no permiso de explotación das embarcacións incluídas no plan de xestión. Dita resolución será exposta nos lugares e cos mesmos efectos que os previstos no punto 2.1.

Contra a resolución que aprobe a lista definitiva para o incremento de número de cotas no permiso de explotación das embarcacións incluídas no plan de xestión, que non esgota a vía administrativa, a persoa interesada poderá interpoñer recurso de alzada no prazo dun mes, contado desde o día ao da súa publicación no taboleiro de anuncios das xefaturas territoriais e na páxina web <http://www.mar.xunta.gal>, ante a persoa titular da Consellería do Mar, de conformidade co establecido nos artigos 121 e 122 da Lei 39/2015, do 1 de outubro.

3. Emprego da lista

3.1. A xefatura territorial comunicará ás persoas armadoras das embarcacións integrantes da lista que poden beneficiarse do incremento de cotas e concederá un prazo de quince (15) días hábiles para presentar a seguinte documentación:

- a) Rol de despachos actualizado da embarcación coa dotación de tripulación enrolada nela.
- b) Certificacións profesionais que correspondan ás persoas tripulantes enroladas, agás no suposto de autorización expresa por parte das persoas tripulantes á Consellería do Mar para a consulta das certificacións profesionais expedidas pola Consellería do Mar. A autorización expresa para a consulta destes datos realizarase empregando o anexo X da Orde do 30 de decembro de 2015.

3.2. As persoas que non acepten os incrementos ofertados durante dúas veces consecutivas sen causa xustificada non recibirán unha nova oferta durante un prazo de doce (12) meses.

No caso de renunciaren aos incrementos ofertados durante tres (3) veces consecutivas sen causa xustificada, perderán os seus dereitos e a embarcación quedará excluída da lista por un período de dezaioito (18) meses, podendo solicitar de novo a súa inscrición unha vez transcorrido o dito prazo.

Cando, da documentación presentada, se desprenda que a persoa seleccionada non posúe algúns dos requisitos exixidos, decaerá de todo os dereitos que poidan derivar da súa participación no procedemento.

Se a persoa seleccionada non presenta a documentación dentro do prazo fixado entenderase que desiste da súa solicitude.

